

giffteigen bösen Winden verursacht wirdt / vnd die spiritus vitæ mit solchem Subrestischen vnd Australischen Winden dermassen corrupirt / daß sie alle meatus vnd Rören / wie ein Heerbaucken / vffblasen / vnd auß denen / wie dann sonst offft in hefftigen kalten wässerigen Wetter vnd Winden geschicht / da einer vnder den Augen aufflaufft / oder wann einen bey der Nacht ein Bildnus anbläst. Dieses accidens ist sehr erschrocklich. Dann wie sonst in Tympania der Bauch vmb den Nabel vnd vnden herum groß ist / vnd daß alle Glieder nicht anders bausen / als wann man ein Dauben mit ein Federtiel auffbläst. Es ist alles groß / auch die pudenda, vnd meynt einer / es werde alles auffreissen vnd zerbarsten. Ich hab etlich mal an diesen Krancken verzagt / da ich aber nachmals gesehen / daß besser worden ist / hab ich diesen Proceß mit ihnen gehalten.

*Processus  
in hoc  
morbo.  
Wie die-  
se Wasser  
sucht zu  
curiren.*

Erstlich hab ich sie an allen Orthen mit der Rauchkerzen geräuchert / zu corrigiren die spiritus vitales, wie oben gemeldt / hab sie zum Vndäwen bewegt / vnd darauß lassen schwitzen / den Schweiß ein tag zween widerholet. Dann diese nicht Hitze klagen / sondern allein ein schweres Kopffwehe vnd Laßheit der Glieder / seyn sehr voll / einer meynt / sie ersticken einem vndern Händen / also horcheln vnd roscheln sie. Auch hab ich geringe laxativa, als Trypheram Perlicam geben / cum oleo Anisi & Carui. Aber baldt sie also geschwitz haben / nime die Geschwulst immer zu wider ab / daß sie wieder die rechte Grösse bekommen / Ich hab ihn Anis / Fenchel vnd Kümmel in ihrem Wasser sieden lassen vnd trincken.

Etlichen seyn Schaffblatern / davon oben gemeldt / auffgefahren / die haben gerunnen / vnd seyndt darnach abdorrt. Daß aber mir sonst ein Vffbruch der Haut in dieser Geschwulst were zugestanden / das ist nit. Hab wol von andern gehört / etlichen sollen die Schenckel vffgebrochen seyn / vnd viel Wasser vßgeronnen. Das mag wol ein Leucophlegmatia, darvon hernach / gewesen seyn / die exferoso humore entsprungen / vnd ein rechte wilde gifftige resolutio humoris salis. &c.

Es ist auch baldt von diesen geschwollnen ein Hauffen Würm weg gangē / vnd grausame putredo cineritia, wie ein Saiffengösch per fedes, vnd sehr viel bläst vnd bommert / daher ich diese causam coniciet,

coniciet,